



Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. XI. An licentia Prælati concessa ad superflua contra votum paupertatis,
aut ad sumptus alijs virtutibus oppositos sit valida, & an ejusmodi licentia
ex parte Prælati possit esse licita?

urn:nbn:de:hbz:466:1-40013

§. XI.

An Licentia Prælati concessa ad superflua contra votum pauperatis, aut ad sumptus alijs virtutibus oppositos sit valida, & an ejusmodi Licentia ex parte Prælati possit esse licita?

49. R Espondeo ad primum probabilem Licentiam valere, ita Lugo de just. Disp. 3. n. 137. Contra Sanch. lib. 7. moral. c. 19. n. 22. Probatur quod nulla sit lex irritans talēm Licentiam. Trident. enim Less. 25. c. 2. de Regular. solum prohibet supellecilem superfluam, ac pauperrati incongruam, non autem invalidat actum oppositum. Alias Religiosus ab Amico superflua dono accipiens invalidē acciperet vi hujus decreti, quod nemo dicit: & licet Pontifex ut supremus Prælatus prohibeat, non tamen auffert potestatem inferioribus Prælatis, ergo nec valorem contractibus. Nec obstat, quod Prælatus non sit Dominus, sed administrator constitutus à Conventu rerum Domino; hinc enim benè concluditur, quod concessio Prælati in fraudem aut grave damnum Conventus sit invalida, secūs si sumptus non sint præjudiciofi Conventui, esto hic, & nunc illicite fiant, quia aliās possent esse liciti facti in alios usus.

Confirmatur: Nemo vendentem pretiosas Imagines Religioso eas ementi cum Licentia Prælati obligabit ad restitutionem pretij: idem est si quis pīscem magni pre-

tij aut sanitati noxiū vendidit Religioso pro pecunia, cujus usum habuit cum Licentia ergo valet data Licentia.

Resp. Ad secundam §. quæstionem, Prælatum non posse licite dare Licentiam in particulari, seu determinatè ad usum profanum aut turpem quia cooperetur actioni illicitæ subditi, posse tamen dare Licentiam in genere, seu citra limitationes ad usus licitos, sed relinquendo obligationem & totam curam ipsi Religioso delegato, per hoc enim non concuereret ad usum illicitum Religiosi positivè, ut patet in pari primò in concursu Divino generali, & indifferenti. Secundò Pontifex dispensans cum aliquo in esu carnium non restringit ad esum duntaxat licitum, aliās si comedenter carnes furtivas, aut valetudini nocentes, peccaret contra legem Ecclesiæ vetantem carnis esum, nec ideo Pontifex coöperatur huic illicitæ comedioni, sicut nec Sacrilegio Sacerdotis in loco interdicto ex Licentia Pontificis celebrantis cum peccato mortali. Ergo Generalis Licentia permittens quemvis usum etiam illicitum non censetur coöperari abutenti concessâ Licentiâ.

¶. Sed,

C. 2.

50. Sed hinc oritur difficultas, an defacto Prælatus Religioso concedens Generalem Licentiam expendendi aliquam pecuniam, censeatur eam restringere ad usus solum honestos; Affirmat communis cum Sanchez. n. 30. quia præsumendum est concedere Licentiam gravi vocantem culpâ, quam continet Licentia ad vana, aut turpia. Secundò à pari: Pontifex dans Episcopo potestatem testandi præsumitur dare, nisi oppositum explicet, ad sola pia opera juxta communem cum Sanchez Lib. 2. Consil. c. 2. dub. 51. n. 6. Ergo etiam Prælatus censendus est ad usus tantum licitos dare: consequentia urgetur, quia dat talem, qualis ab eo peti solet.

Ex his idem Doctores inferunt restituenda esse ab illis, quia à Religioso acceperunt pro similibus ob defectum Licentiae necessariae, ne Religiosus sit Proprietarius, seu Authoritate propria expendens. Ob hæc fatetur Lugo n. 142, hanc sententiam esse probabilissimam.

Respondeo nihilominus cum Lugo citato oppositam esse probabilem, probatur in alijs materijs per responsum antecedens Licentia generaliter data, quantum est ex parte dantis, auffert totum impedimentum situm in defectu Licentiae, seu in eo, quod subditus operetur invito positivè Prælato sine restrictione ad usus ex aliis capitibus illicitos, ergo etiam Prælatus Generaliter dans Religioso Licentiam dispensandi cum aliqua pecunia non restringit facultatem ad actus duntaxat pios, sed quantum est ex parte sua, tollit totum impedimentum: ita ut nullus usus, et si sit illicitus contra alias virtutes, sit illicitus contra justitiam, seu injustus, hoc est, fiat invito positivè Domino pe-

cunia sic expensæ, aut administratore Domini sive Conventu. Ex his.

Respondeo ad argumenta Sanch. ad primum nego, quod Licentia Generalis non restricta ad usus pios sit ex parte Prælati culpabilis, non enim concedit pro usibus illicitis, sed quantum est ex se auffert malitiam injustitiae ab iisdem usibus, qui fiunt contra castitatem, aut tempestantiam aut justitiam erga extraneos.

Ad secundum est disparitas, quod dispensatio in lege sit odiosa, proinde sit strictæ interpretationis: cum ergo Lex Ecclesiæ prohibeat Episcopis simpliciter testari, ac etiam testari ad opera pia dispensando in primò, consequenter concedendo facultatem testandi, non dispensat quoad punctum secundum, atque adeo potest testari ad sola opera pia, Prælatus vero Religiosus non potest dispensare licentiando subditum ad usum dishonestum, sed præcisè tollendo impedimentum unicum situm in defectu Licentiae, hunc tollit, quantum est de se, quo sublatu subditus non est proprietarius, sive non exercet actum invito positivè Domino, consequenter non facit injustitiam conventui.

Ex his sequitur non debere restitu ab his, qui à Religioso in usus turpes acceperunt, v. g. meretrix aut alij pro illicitis acceptantes pecuniam, dummodo hæc non excedat summam, quam ex consensu Religiosus sine iniuria Conventu expendere potest in honestos usus.

Dices contra primam questionis in §. propositæ partem: talis Licentia est contra voluntatem Pontificiam declaratam in citato Tridentino & Clement. 1. de statu Monachorum. Omnia superflua ac pretiosa prohibentur. Secundò Præla-

Prælatus non est rerum Dominus sed Conventus, ipsi autem administrare debet ad mentem Conventus, qui consentire non potest in usus jure prohibitos. *Resp.* Ad primum esse contra voluntatem Pontificiam prohibentem usum, secundus irritantem valorem, quia non auffert à Prælato facultatem necessariam pro Licentia amovente ab usu vitium proprietatis contra votum.

Resp. Ad secundum ex num. 49. negando quod Licentia Generalis non restricta ad piros usus sit contra mentem Conventus, nisi sumptus sint magni, aut fraudulentii, nec Conventus nec Prælatus consentire potest in usus illicitos ut tales, secundus, ne hi liberentur ab injustitia,

sive vicio proprietatis, quia nullum jus prohibet illis, ne utantur facultate de se licita impediendi in Religiosis malitiam injustitiae dominio Conventus opposita; et si nequeant impedire, ne penitus usus sit illicitus contra votum paupertatis per numer. 48.

Pro praxi advertit Lugo n. 143. in fine, quod etiam secundum oppositam sententiam Sanch. non sit obligatio restituendi accepta à Religioso ob turpem actionem, nempe si Religiosus dans ex fine turpi mutata hanc voluntate turpi donet fœminæ, quæ E. g. est pauper, aut ex alio fine honesto, supponitur enim habere facultatem expendendi in usum honestum.

§. XII.

Cujus Prælati Licentia necessaria ad usum licitum.

SI. EX hucusque à num. 43. disputatis clara est necessitas Licentiae Superioris, ut Religiosus validè, & licetè circa lesionem voti paupertatis expendat, sed cum in plerisque Religionibus Religiosus plures habeat Prælatos videlicet Generalem, Provincialem, localem E. g. Rectorem aut Quardianum, aut Priorrem, imo in eodem domicilio nunc bunc, nunc alium, queritur an Licentia hujus Prælati E. g. Rectoris, aut Prioris sufficiat, ut Religiosus valeat illâ uti primò in eodem domicilio sub novo locali Prælato. Secundò an in alio domicilio, ad quod transit.

Item an sit reus proprietatis in votum paupertatis licentiam petens à pluribus Su-

perioribus pro certa summa non excedente singulorum potestatem, puta Rectoris, Provincialis, & Generalis sciens, quod nullus eorum concederet tantam simul summam.

Item an Superior etiam ad breve tempus possit pro se uti facultate, quam alijs concedere potest, eaque uti tempore, quo erit subditus sine nova Licentia.

Resp. Primo posse dare Licentiam Generalem pro toto Ordine, Provincialem pro tota Provincia, Localem pro proprio domicilio Religiosis non hospitibus, imo etiam his si juxta Regulam non minus subjiciuntur illi, ac alteri incolæ Superiori talis loci prout defacto fit

in

G 2